

VERITABLE
DISCOVERS
 DE MONSEIGNEUR LE
 DVC DESPERNON, DES
 raisons qui l'ont émeu à prendre les armes
 pour faire recognoistre l'autorité du
 Roy, en son Gouvernemēt de Xaintonge,
 & Aulnix.



A PARIS,

Chez ISAAC MESNIER, rue Saint Jacques
 au cheſne vert.

*Souste la coppie Imprimée à Poictiers, par Anthoine
 Mesnier, Imprimeur & Libraire ordinaire du Roy.*

M. DC. XVI.

Avec permission.

VERITABLE

DICTIONNAIRE


DE LA LANGUE FRANÇOISE

PAR L'ACADEMIE FRANÇOISE

DE LA LANGUE FRANÇOISE

DE LA LANGUE FRANÇOISE

DE LA LANGUE FRANÇOISE



A PARIS

chez M. DE LA HARPE, Libraire, au Salon de la Bibliothèque du Roi

à la Bibliothèque du Roi

à la Bibliothèque du Roi

à la Bibliothèque du Roi

M. DE LA HARPE

à la Bibliothèque du Roi



IE pensois auoir laissé
ma mauuaise fortune,
& que s'estant vlee
avec moy nous nous
reposerions a la fin
tous deux en nostre
vielleſſe, & luy ayant
donné la meilleure
partie de mon aage,
qu'elle permettoit a tout le moins d'acheuer de
viure à moy-mesme, & de rendre paisiblement
& à mon ayſe les derniers debuoirs à la nature:
Mais ie voy bien qu'elle eſt trop irreconcilia-
ble pour pouuoir iamais entendre ma paix,
trop ingenieuſe a me chercher de l'exercice,
pour manquer d'inuention de me trauailler:
Que toutes choſes ſont bornées en ce monde,
fors que mes ſeules peines. Et qu'on ne ſe ſou-
cie plus aujourdhuy de bleſſer l'autorité du
Roy, pourueu que le contre-coup donne ſur
ma perſonne, & que le ſang de la playe faiſte au
public rejaliffe ſur moy. Apres auoir eu tous
les vents au viſage durant le regne de deux grâds

Roys, & auoir embrassé ouuertement la haine
 de tous les partis formez contre l'Estat, qui se
 sont tournez apres directement contre moy,
 pour ne m'y estre pas voulu laisser enuelopper,
 & quoy que contraires entr'eux ont conspiré
 vnanimement à ma ruine : Apres m'estre tel-
 lement tenu au seruice du feu Roy durant ceste
 generale desbauche de toutes les parties de son
 Royaume, & que ie puis dire avec fort peu de
 gens l'auoir seruy contre la ligue, sans l'auoir
 suiuy contre la Religion. Et ne luy auoir don-
 né d'autre peine de conquerir des villes & des
 Prouinces toutes entieres, que par la seule con-
 uersion. Le malheur de la France, duquel nous
 portons encore le dueil, & le laisserons à ceux
 qui viendront apres nous, & la perte inestima-
 ble d'un si grand Roy, ma donné vn triste sub-
 jet de faire voir à tout le monde l'affection que
 i'auois tousiours eue à son seruice, & de tesmoi-
 gner par mes actions que les occasions les plus
 inopinées & les plus fauorables pour faire son
 profit des miseres publiques ne pouuoient rien
 gagner sur ma fidelité, ny me surprendre en la
 moindre partie de mon debuoir. Car si en ce
 miserable instant les esprits factieux n'eurent
 pas loisir de se recognoistre pour faire vn corps
 de sedition. Si on ne laissa pas songer le peu-
 ple à son mal, de peur de perdre le temps d'un
 remede present & salutaire par vne longue de-
 liberation, si c'est accident deplorable n'eut

point de fuite & ne fut accompagné que de la douleur, si toutes les parties de la France tremblèrent sans se remuer, & les esprits furent troublés que les affaires, personne ne peut ignorer que ie n'edoieue participer à la loüage de ceux qui ont seruy fidelemēt en ceste malheureuse iournée, dont i'ay beaucoup de gens d'honneur & principaux de l'Estat pour tesmoins. Ce fut lors que poussé d'un bon zele & d'une loüable affection enuers ma patrie, i'alay soudain conjurer les Chambres assemblées du Parlement par la fresche memoire des grandes obligations que nous auions tous au Pere, par le sang encore tout chaud de ses blesseures, par l'innocence de son fils en vn aage si tendre & si exposé aux injures, de vouloir tous prester leurs mains, de joindre leurs esprits, & de r'aliier leurs volontez à la conseruation de sa Couronne, en mettant pendant sa minorité le gouuernement de son Estat entre les mains de la Roynne sa Mere, que la nature, la necessité, & la bien seance sembloient appeller à ceste charge. Si depuis ce temps-là l'espace de quatre ans le peuple à iouïy d'un repos vniuersel, & n'a peu assez benir l'heureuse administration sous laquelle il a vescu. Je puis dire sans vanité y auoir contribué quelque chose, & auoir eu bonne part aux Conseils qui ont esté donnez à leurs Majestez pour l'establissement de la tranquillité publique, leur ayant rendu vne assiduité si grande,

& m'estant attaché à leur personne de si près, que ie ne les ay iamais perdus de veüe que par l'expresse autorité de leurs commandemens, & pour le seul bien de leur seruice : Le voyage que ie fis en Guyenne en six cens vnze, ou ie rompis le coup à beaucoup de pratiques sourdes & secrettes qui si fussent faictes, le premier que le Roy fit à Poictiers, & en Bretagne, par l'aduis de fort peu de gens du nombre desquels i'estois dont l'euenement fut si heureux, tesmoignent assez qu'il n'a pastenu à moy que la continuation du bon succez de ces affaires ny aye duré plus long-temps. Car si au dernier voyage ie ne luy ay pas peu rendre le seruice que ie luy promettois avec beaucoup d'apparence. A qui me prendray-ie de ce malheur qu'aux ennemis de Dieu & du Roy qui estoient lors, qui ne m'ayant iamais peu deslier de son seruice par tous leurs artifices, ils ont trouué le moyé de me faire faillir en la personne de celuy que i'ay mis au monde, & ont fait entrer malgré moy en leur party vne partie de moy-mesme : Je dis mon propre fils qu'ils m'ont soustrait & desbauché pour destourner la Noblesse de mon Gouuernement de son debuoir, & diuertir la volonté de mes amis qui ne m'ont iamais manqué au besoin. Ce desplaisir me fut si sensible & me donna tant d'affliction, que i'en perdis trois iours durant la parolle, avec fort peu d'apparence d'en pouuoir releuer, si ceux de la Ro-

chelle n'eussent fait des feux de ioyes de ma
 mort, en signe de resiouyſſance publique, &
 u'eussent obtenu de Dieu ma guerison par la
 force de leurs maledictions, me tesmoignans
 au restela bonne volonté qu'ils m'ont tousiours
 portée par ces actions si extraordinaires, & ces
 façons de faire si peu Chrestiennes. A la fin
 apres auoir donné passage aux affections natu-
 relles & auoir souffert beaucoup de peines de-
 uant que de pouuoir esteindre ma douleur, ie
 me rendis incontinent près de leurs Majestez:
 ou chacun sçait comme i'y ay seruy, & y de-
 meuray tant que ma conscience le peut permet-
 tre, & que ie le puis faire sans peché, & sans
 la necessité que ie ne pouuois éuiter de me ren-
 dre coupable par mes yeux de ce que i'eusse veu
 faire à leur desauantage. Ie m'en retourné
 donc en mes Gouuernemens pour pouruoir à la
 seureté des places d'importance, & pour dissi-
 per toutes sortes de pratiques, de menées, & de
 factions, qui sont autant de Citadelles inuinci-
 bles que nos ennemis ont parmy nous, & de
 fauses clefs qui leur ouurent nos ports pour y
 entrer. La conclusion de la paix vint la dessus,
 apres laquelle pour vne marque asseurée d'une
 franche cessation d'armes. Ie licentié sans au-
 cune difficulté toutes mes troupes, ie retiray
 les garnisons des villes, & peu apres n'ayant ia-
 mais encore sçeu que c'est que le repos, ie m'en
 allé en ma maison en Gascogne pensant l'y trou-

ner à la fin , & confiderer du port avec feureté ;
 la tourmente & les agitations de ma vie paffée.
 Mais ceux de la Rochelle , qui pensent y aller de
 leur honneur s'ils ne commencent les premiers
 le bruit , n'entament tousiours le desordre ,
 comme s'ils estoient enuieux de mon repos , ne
 m'ont gueres donné de loisir de le gouster par
 la prise de Rochefort , duquel ils se sont saisis
 en pleine paix , incontinent la nouvelle de l'Ar-
 rest fait de la personne de Monsieur ls Prince ,
 au prejudice de l'autorité du Roy , de la tran-
 quilité publique , & de la charge de laquelle il à
 pleu aux Roys mes Maistres de m'honorer , pour
 monstrier clairement à tout le monde qu'ils s'es-
 ueillent au moindre bruit , qu'ils ont tousiours
 l'œil sur ce qui n'est pas à eux , qu'ils font leur
 profit de nos malheurs , & qu'ils ont des plans
 de rebellion tous dressez , pour remuer à la
 moindre occasion qui se presente : Les diuer-
 ses sommations que ie leur ay reiterées par plu-
 sieurs fois , de se ranger d'eux-mesmes à leur
 debuoir , & de remettre amiablement ceste pla-
 ce entre les mains de celle à qui elle appartient ,
 & le mespris qu'ils ont fait des commande-
 mens du Roy en la personne de l'Exempt qu'il à
 enuoyé pour la faire rendre , font assez paroi-
 stre qu'il ne tiendra pas à eux qu'ils n'estendent
 la Rochelle iusques à l'extremité de la Prouin-
 ce , & qu'ils ne facent vne petite republique de
 Corsaires & de Brigans , pour oster toute sorte
 de

de feureté sur mer & sur terre ; ce qu'ils mon-
 strent assez visiblement en voulant si bien
 remparer les destroits , & fournir tellement
 les aduenues de leur pays , qu'ils n'y semblent
 vouloir laisser aucune entree à l'autorité du
 Roy , si elle n'y descend miraculeusement du
 Ciel. Car ils ne s'arrestoient pas là si iene les
 eusse preuenuz , & ne bornoient pas leurs des-
 seins par la seule prise de Rochefort : Ils mar-
 chandoient encore Tournay Charante , pour
 auoir le Bureau de la Recepte des droicts du
 Roy à leur disposition , ils auoient dessein sur la
 maison de Monsieur de Surgeres , auquel ie
 voulus bien rēdre à sa priere les dernieres preu-
 es de mon affection en l'allant visiter , & qui
 m'appella à la bonne heure pour la conserua-
 tion de sa maison , de laquelle deux cens hom-
 mes fortis en mesme temps de la Rochelle le ve-
 noient saisir , si ie ne leur eusse espargné la moi-
 tié du chemin : Enquoy ils m'ont beaucoup
 d'obligation sans le recognoistre , car ie leur
 ay osté les moyens d'empirer leur cause par vne
 seconde faute , & les ay empeschez de se rendre
 d'auantage criminels qu'ils ne sont , par la dili-
 gence de laquelle i'ay vsé en ceste affaire , m'e-
 stant au reste acquitté de la promesse que ie fis
 audict Sieur de Surgeres à sa mort , d'auoir soing
 de tout ce qui regardoit la personne de Mada-
 me de Montendre sa fille , & particulierement
 de sa maison , me suppliant instamment de ne

permettre iamaïs qu'elle seruist d'instrument, quoy qu'innocent à la tyrannie des ennemis de sa croyance. Qui peut donc ignorer quel'autorité que le Roy m'a donnée en mon Gouvernement, ne doibue seruir de borne à la violence, & de franchise à la foiblesse ? Je declare ouuertement, qu'en ayant iamaïs rien tant desiré que le repos, ie suis neantmoins resolu par necessité de repousser la force par la force. De me faire recognoistre tel que ie suis en mon Gouvernement, & d'employer les armes du Roy, & l'assistance de mes amis pour le bien de son seruice.

F I N.